

**Абаев Айдос Абаевичтің 6D050600 - «Экономика» мамандығы бойынша философия докторы (PhD) дәрежесін алу үшін «Ауылдық аумақтардың тұрақты дамуының ұйымдастырушылық-экономикалық әлеуетін өсіру: теориясы, әдістемесі және тәжірибесі» тақырыбында дайындалған докторлық диссертациясына ғылыми кеңесшінің**

## **ШҚІРІ**

Ауылдық аумақтардың әлеуметтік-экономикалық дамуы қазіргі заманның талаптары мен мүдделеріне толығымен жауап бермейді, өйткені ауыл халқының лайықты өмір сүру сапасына қамтамасыз етпейді, өзін-өзі дамытатын және өзіндік әлеуметтік-экологиялық-экономикалық аумақтық жүйелерді қалыптастыруға, мәдени құндылықтарды сақтауға, ауыл шаруашылығы үшін еңбек және табиғи ресурстарды молықтыру мен ұзақ мерзімді пайдалануды қамтамасыз етуге ықпал етпейді. Халықтың әлеуметтік сала ұйымдарының қызметтеріне қол жеткізуінің тарылуы, қалалық және ауылдық жерлер арасындағы ақпараттық және инновациялық алшақтық болуы, бұл ауыл халқының көші-қон ағынының өсуіне және ауылдық аумақтардың игерілуінің жойылуына әкеп соғуы мүмкін.

Бұл жағдайда ауылдық аумақтарды дамытуды мемлекеттік реттеудің негізгі бағыттарын, әдістері мен құралдарын айқындау, ауылдық жерлерде болып жатқан ұйымдастырушылық-экономикалық үдерістерге мемлекеттік ықпал етудің теориялық және тәжірибелік ережелерін негіздеу қажеттілігі туындайды. Сондықтан диссертациялық жұмыс өзекті тақырыпта жазылған.

Диссертацияның өзектілігі, ғылыми әзірлену дәрежесі, зерттеудің мақсаты мен міндеттері, ғылыми жаңалықтары мен қорғауға шығарылатын негізгі ережелері тақырыпты ашуға негіз бола алады. Диссертациялық жұмыстың барлық бөлімдері бір-бірімен тығыз байланысты және логикалық бірізділігімен сипатталады.

Жұмыста ауылдық аумақтарды тұрақты дамытуға арналған шетелдік және отандық ғалымдардың еңбектері терең зерттелген, нормативтік актілер мен Қазақстан Республикасы Ұлттық экономика министрлігі Статистика комитетінің статистикалық мәліметтері, Қарағанды облысының ауылдық аудандарының әкімдігінің статистикалық есептілігі қолданылған.

Диссертацияда зерттеушінің төмендегідей нәтижеге қол жеткізгенін атауға болады:

- «ауылдық аумақтар» және «ауылдық аумақтарды тұрақты дамыту» ұғымдарына авторлық анықтамалар берілді;
- ұйымдастырушылық және экономикалық әлеуеттерді құрайтын негізделген құрылымдық сызба әзірленді;
- ауылдық аумақтардың экономикалық дамуын сипаттайтын көрсеткіштердің топтастырылған жүйесі жасалды;
- ауылдық аумақтарды дамыту бойынша есептелген жекелеген және жалпы модельдер құрылды;

- әртараптандыру негізінде ауылдық аумақтарды тұрақты дамытудың тұжырымдамалық сызбасы әзірленді.

Диссертациялық жұмыстың теориялық негіздері тәжірибелік мәліметтермен дәлелденеді. Диссертацияда алынған ғылыми нәтижелер «Қарағанды облысының Ауыл шаруашылық басқармасы» мемлекеттік мекемесінің қызметіне енгізілген.

Диссертациялық жұмыста ауылдық аумақтарды дамытуға бағытталған қорытындылар мен ұсыныстар ауыл шаруашылық сектор құрылымын дамытуға, оның тиімділігін арттыруға мүмкіндік беретін республикалық және өңірлік деңгейдегі ұйымдастырушылық-экономикалық шаралар кешенін әзірлеуде қолданылуы мүмкін.

Диссертациялық жұмыстың алынған нәтижелері 7 мақала ретінде жарияланды, оның ішінде 3 мақала Қазақстан Республикасы Білім және ғылым министрлігінің Білім және ғылым саласындағы бақылау комитетімен бекітілген басылымда, 3 мақала отандық және шетелдік халықаралық ғылыми-тәжірибелік конференция материалдарының жинақтарында, 1 мақала Scopus мәліметтер базасына енетін халықаралық ғылыми басылымында жарық көрді.

Абаев А.А. диссертациялық жұмысты орындау барысында өзінің ұқыптылығын және жауапкершілігін көрсете отырып, алға қойған мақсатқа толығымен қол жеткізді.

6D050600-«Экономика» мамандығы бойынша философия докторы (PhD) дәрежесін алуға ізденуші А.А.Абаев «Ауылдық аумақтардың тұрақты дамуының ұйымдастырушылық-экономикалық әлеуетін өсіру: теориясы, әдістемесі және тәжірибесі» тақырыбында орындалған докторлық диссертациясы аяқталған зерттеу және қойылатын талаптарға сай жазылғандықтан ашық қорғауға ұсынылады.

Ғылыми кеңесші,  
Е.А.Бөкетов атындағы  
Қарағанды мемлекеттік университетінің  
экономика факультетінің деканы,  
э.ғ.д., профессор

Б.С. Есенгельдин

э.ғ.д., профессор Есенгельдин Б.С. қолын растаймын.

Академик Е.А.Бөкетов атындағы  
Қарағанды мемлекеттік университетінің  
ғалым хатшысы, т.ғ.к.



Мырзахметова А.Ж.

05.2019